

Naqqiut

Saqqummiussissut 2. februar 2022-meersoq taarserpaa

(Naalakkersuisuni akisussaaffiit allanngortinnejarnnerisa kingunerisaanik aaqqiisoqarpooq)

Kalaallit Nunaanni eqqartuussisarermik inatsisip aamma naalagaaffimmijenestemandit Kalaallit Nunaanniittut pillugit inatsisip allanngortinnejarnnisaannik inatsisissatut siunnersuummut missingiutip (Pinerluttulerinermi eqqartuussisarermi digitalimik attaveqaatinik atuineq, suliassat nassuerternertut suliarineqartut, najuutinngitsoornermi eqqartuussutit, eqqartuussisut aamma najukkami eqqartuussisut tunuartussaatitaanerannut ukioritinnejartut il.il.) Namminersorlutik Oqartussanit akuersissutigineqarnissaa pillugu Inatsisartut aalajangiiffigisassaattut siunnersuut

(Aatsitassanut Inatsisillu Atuutsinneqarnerannut Naalakkersuisoq)

Saqqummiussissut

(Aatsitassanut Inatsisillu Atuutsinneqarnerannut Naalakkersuisoq)

Siullermeernejarnnera

Eqqugaasut pinerluttuliortullu inatsisitigut isumannaatsuutinnissaasa qulakkeerneqarnissaanik Naalakkersuisut kissaateqarnerat tungavigalugu siunnersuut manna saqqummiunneqarpooq. Kalaallit Nunaanni Eqqartuussiveqarneq pillugu Siunnersuisoqatigiit tamatuma saniatigut aamma allannguutit arlallit innersuussutigisimavaat, taamaalilluni kalaallit qallunaallu eqqartuussisarermik inatsisaasa assigiinnerulernissaat anguneqassammat.

Taamatuttaaq inatsisit atuutsinnerannut suliassaqarfiup nutarteriffigineqarnissaa pillugu, taamaalilluni sunniuteqarluarluunilu ullutsinnut naleqquttungorniassammat, qallunaat naalakkersuisuinik suleqatiginninnermi maannakkut ingerlasumi inatsisissatut siunnersuut manna aamma ilaavoq.

Pinerluttulerinermi suliay ingerlasarnerisa naammassiuminarsarneqarnissaat inatsisissatut siunnersuutikkut matumuuna aallarnerniarneqarpooq. Ullumimut naleqqiullugu pinerluttulerinermik suliay eqqartusseriaatsikkut sukkanerusumik ingerlasinnaanissaanut killiliussinissaq uani siunertarineqarpooq.

Suliassat nassuerternertut suliarineqartalernissaasa Kalaallit Nunaanni pinerluttulerinermi inatsimmi eqqunneqarnissaat siunnersuummi siullertut aallarnerniarneqarpooq. Pinerluuteqartup pinerluuteqarsimanini nassuerutigisimappagu, aamma nassuerneq suliam paasissutissanit allanit tunngavilersorneqarpat, suliaq najukkami eqqartuussisumit ataatsimit - tassa imaappoq eqqartuussisooqataasut peqataatinngit - aalajangiiffigineqarsinnaalernissaanik tamanna kinguneqarpooq. Periaatsimik piuminarnerulersitsineq taanna sulianik suliaqarnermik sivikillisitsissaaq aamma pinerlunnernit eqqorneqartut pinerluuteqartullu ingerlariaqqinnissaannut periarfissiissalluni.

Pinerluttulerinermik suliani najuutinngitsoornermi eqqartuussutit atorneqarsinnaanissaannut periarfissat annertusineqarnerat siunnersuummi aappaattut aallarnerniarneqarpooq.

Qallunaat eqqartuussisarnermik inatsisaanni aalajangersakkat 2017-imi eqqunneqartut assigalugit, unnerluunneqartoq peqataanngikkaluartoq eqqartuussisinnaanermut periarfissat assingi siunnersuutip taamaalilluni imarai.

Danmarkimi inatsimmi allannguinermi tassani, unnerluunneqartoq takkutinngitsoortillugu, piumasaqaatillu allat naammassineqarsimatillugit, eqqartuussivit suliamik naammassinnissinnaaginnaratik **naammassinninnissaat** aallarnerniarneqarpoq. Matumaní unnerluussaasup eqqartuussivimmi takkutinngitsoornerup kingunerisinnaasaanik erseqqilluinnartumik paasitinneqarsimanissa piumasaqaataavooq.

Tamatuma saniatigut digitalimik attaveqaatinik atuinissamik periarfissaq eqqunneqassaaq, taamaalilluni allagaatit tamarmik pappialangorlugit anillatsittariaarutissapput nalinginnaasumillu allakkatigut nassiunneqartariaarutissallutik. Sulianik suliaqarnermi eqaannerusumik sulisinnaaneq tamatuma kingunerissavaa, taamaattoqalerteratalu sulianik suliaqartarnermi piffissat atorneqartartut sivikillinissaat peqataaffigissavaa.

Kalaallit Nunaanni Eqqartuussisoqarfimmi eqqartuussisut aamma inatsisilerituut tjenestemanditut sulisut 65-ileereeraangamik atuuffimminnit unitarnissaat pillugu aalajangersagaq naggataagut allanngortinneqassaaq. Malittarisassat nutaat aqqutigalugit, namminneq kissaatigigunikku 70-inik ukioqalernissamik tungaanut sulisinnaapput. Tamatuma peqatigisaanik najukkami eqqartuussisut aamma aalajangersakkamut ilaatinneqalissapput, taakkumi tamatumunnga tunngatillugu Kalaallit Nunaanni Eqqartuussisoqarfimmi inatsisilerituutut ilinniarsimallutik eqqartuussisunut naligiissinneqartariaqarmata. Qaqgu soraarninngorsinnaaneq pillugu allannguut kinguneqanngilaq, kisianni 70-ileereernerup kingorna, naak suli ingerlaqqinnissaq kissaatigigaluarlugu, eqqartuussisutut ingerlaqqissinnaannginnej allannguutip kinguneraa.

Eqqartuussisoq pingaarutilerujussuarmik suliaqartarpoq, aamma ukioqqortussuseq pissutigalugu eqqartuussisoq sanngiillisimappat, inuttaatalu nammineq tamanna takusinnaanngippagu, innuttaasunut pineqartunut annertuumik kinguneqarsinnaavoq. Tunuartussaatitaanermut ukioritinneqartut 65-inik ukioqarnermiit 70-inik ukioqarnissamut qaffanneqarnissaat pillugu siunnersuut, ukiut inuuffiit nalinginnaasumik amerliartornerannut atatillugu isigniarneqassaaq, taamaalillunilu Kalaallit Nunaanni eqqartuussisup Danmarkimi eqqartuussisumut naleqqiullugu siusinnerusukkut eqqartuussisuujunnaarnermik pisussaaffeqarnissaat pissutissaaruppoq.

Taamatut oqaaseqarlutik immikkoortup suliarineqarnissa Naalakkersuisut inatsisartunut tunniuppaat.